

Youth Justice Board
Bwrdd Cyfiawnder Ieuenctid

Ein gweledigaeth

System cyfiawnder ieuenctid sy'n trin plant fel plant i ddechrau, sy'n eu trin yn deg ac sy'n eu helpu i adeiladu ar eu cryfderau er mwyn iddynt allu gwneud cyfraniad adeiladol i gymdeithas. Bydd hyn yn atal troseddu ac yn creu cymunedau diogelach gyda llai o ddioddefwyr.

Ein cenhadaeth

Y Bwrdd Cyfiawnder Ieuenctid yw'r unig gorff statudol sy'n goruchwylio'r system cyfiawnder ieuenctid gyfan. Rydym yn darparu cyngor ac arweinyddiaeth annibynnol, sy'n seiliedig ar dystiolaeth i ysgogi gwelliannau sy'n cynyddu canlyniadau cadarnhaol plant ac sy'n atal troseddu.

Ein hamcanion



Amcan 1: Cefnogi'r broses o wella gwasanaethau cyfiawnder ieuenctid mewn cymunedau lleol

- Monitro a chefnogi'r broses o wella gwasanaethau cyfiawnder ieuenctid
- Darparu cyllid sefydlog a theg i wasanaethau cyfiawnder ieuenctid
- Cefnogi'r broses o wella:
 - y ddarpariaeth o ddargyfeirio
 - atal a lleihau trais difrifol
 - cefnogaeth i ddioddefwyr
 - cefnogaeth i blant pan fyddant yn y ddalfa a phan fyddant yn gadael
 - datblygu'r gweithlu



Amcan 2: Canolbwyntio ar fynd i'r afael â'r gwahaniaethau o ran hil ledled y system gyfiawnder ieuenctid

- Defnyddio data a dadansoddi i ganfod gwahaniaethau
- Sicrhau canlyniadau cyfiawn a theg a mynediad at wasanaethau i'r holl blant
- Galluogi camau gweithredu effeithiol, trwy weithgaredd fel ein Cynllun Braenaru
- Hybu cynhwysiant a dod yn sefydliad sy'n gwrthwynebu hiliaeth



Amcan 3: Cyflymu'r broses o roi'r cynllun Plentyn yn Gyntaf ar waith trwy ddarparu cyngor a chymorth i ddylanwadu ar bolisi ac ymarfer, gan ganolbwyntio ar:

- Gwella profiadau yn y llys a gwella canlyniadau i blant sy'n ddiffynyddion, yn dystion neu'n ddioddefwyr
- Creu modelau o gystodaeth plant sy'n canolbwyntio ar ofal ac yn hyrwyddo hunaniaethau pro-gymdeithasol
- Cydnabod rôl lleoliadau addysg i adnabod a chefnogi plant sydd mewn perygl o ddod i gyswllt â'r system gyfiawnder ieuenctid




Sut byddwn yn mesur llwyddiant:



Cefnogi gwelliannau drwy'r system cyfiawnder ieuencid gyfan a darparu gwasanaethau cyfiawnder ieuencid lleol.

1. **Arolygon:** gwella canlyniadau asesiadau annibynnol a gynhelir gan Arolygiaeth Prawf EF.
2. **Dangosyddion Perfformiad Allweddol:** bydd y data yn dangos gwelliannau parhaus ar draws dangosyddion perfformiad allweddol.
3. **Mesurau canlyniad:** bydd gostyngiadau mewn mesurau canlyniadau cyfiawnder ieuencid gan gynnwys y rhai sy'n ymuno â'r system am y tro cyntaf, cyfraddau carcharu ac aildroseddu.
4. **Anghyfartaledd:** bydd data yn dangos llai o anghymesuredd ac anghydraddoldeb ar draws prosesau a chanlyniadau cyfiawnder ieuencid.
5. **Cyllid wedi'i dargedu:** bydd archwiliadau annibynnol yn asesu bod cyllid wedi'i dargedu sy'n cefnogi gweithgarwch peilot yn cynnig gwerth am arian.



Hysbysu'r cyhoedd, ymarferwyr a llunwyr polisi ynglŷn â gweithrediad y system cyfiawnder ieuencid.

6. **Goruchwyliaeth:** Mae dadansoddiad Asiantaeth Archwilio Mewnol y Llywodraeth o ganlyniadau o asesiadau goruchwyllo, argymhellion o ganlyniadau Arolygiadau Arolygiaeth Carchardai Ei Mawrhydi a hunanasesiadau yn dangos bod goruchwyliaeth yn effeithiol.
7. **Data ac ymchwil:** bydd comisiynu arolwg ffurfiol ac adborth gan grŵp ffocws yn sicrhau bod ein data, ein hymchwil a'n deunyddiau goruchwyllo yn cyflawni anghenion defnyddwyr.

Dylanwadu ar ymarferwyr a llunwyr polisi i gymhwyso'r dull gweithredu Plentyn yn Gyntaf er mwyn cyflawni canlyniadau cadarnhaol i blant.

8. **Gwerth am arian:** mae tystiolaeth barhaus gan Asiantaeth Archwilio Mewnol y Llywodraeth a'r Swyddfa Archwilio Genedlaethol yn nodi ein bod yn effeithiol o ran rheoli adnoddau a ddyrennir gan yr adran graidd, a'n bod yn parhau i gyflawni'r canlyniadau yr ydym wedi'u nodi yn y strategaeth hon.
9. **Risg:** ein nod yw i'r Bwrdd Cyfiawnder Ieuencid barhau i gael ei asesu yn "risg isel" i waith y Weinyddiaeth Gyfiawnder gan y Ganolfan Ragoriaeth Cyrff Cyhoeddus.
10. **Ansawdd cyngor:** mae archwiliad annibynnol o'r ddarpariaeth cyngor yn dangos bod hyn yn effeithiol ac mae astudiaethau achos yn dangos sut mae cyngor yn trosi yn effaith ar y system cyfiawnder ieuencid.

